

natâ cæteris ovatis obtusis usque ad basin decrescentibus, foliis caulinis basi obtuse auriculatis inferne subsinuatis vel integris summis anguste linearibus, capitulis angustis obconicis, involucro pedunculisque capitulo æquilongis creberrime glanduloso-hirtis phyllis lanceolatis acutiusculis externis triplo brevioribus, acheniis (junioribus) ellipticis lœvibus.

Hab. in pratis ad Alischeri Khan Armeniæ Turcicæ 6200' (Ky. Suppl. 634!).

Caules vix pedales, folia inferiora cum petiolo 4-5-pollicaria pollicem superne lata. Ex paucis et incompletis speciminibus nota, capitula obconica nec ovata, eis *S. maritimi* multo angustiora. Inter *Crepidem* et *Sonchum* planta ob achenia ignota subdubia, sed omnino compressa videntur, inde posteriori generi adnumeravi.

7. ***S. arvensis*** (L. Sp. 4116) radice repente gemmas cauliferas edente, caule elato procero subsimplici apice subumbellato-corymboso, foliis oblongo-lanceolatis in lacinias paucas retrorsas distantes triangulares denticulatas pinnatilobatis inferioribus basi attenuatis caulinis basi cordatis auriculis adpressis rotundatis, foliis summis linearibus integris, capitulis majusculis, pedunculis et involucris glanduloso-setosis phyllis lanceolatis obtusis, acheniis brunneis ellipticis anguste et crasse marginatis compresso-subtetragonis utrinque crasse quinque-costatis costis transverse rugulosis ♀. Ic. Rchb. tab. 61.

Hab. in cultis argilloso humidis, Græciâ et Byzantio (ex (Sibth.), prov. Transcaucasicâ Talusch (C.A.M.).

β. lœvipes. — Achenia et pedunculi glabra. — *S. uliginosus* M.B. Taur. Cauc. II, p. 238.

Hab. in Armeniâ ad Erzerum (Calv!) Tauriâ et Caucaso (M.B., Stev., Hohen!).

Ar. Geogr. Europa omnis borealis et media ad Angliâ et Scandinaviâ ad Rossiam septentrionalem, Hispaniâ et Italiaâ mediis ad Dalmatiam, Sibiria omnis, Japonia, Africa borealis.

8. ***S. palustris*** (L. Sp. 4116) radice verticali brevi pluricipiti, caulis crassis valde elatis simplicibus apice ample et subumbellatum corymbosis inferne glabris foliosis superne cum inflorescentiâ glanduloso-pilosis, foliis in lacinias utrinque 1-2 retrorsas longe lanceolatas subintegras runcinato-pinnatifidis laciniâ terminali longiore, foliis caulinis basi sagittatis auriculis longis acutis divergentibus, foliis superioribus indivisis. capitulis mediocribus, involuci nigricantis dense glanduloso-hirti phyllis lanceolatis obtusiusculis, acheniis pallidis elongato-ellipticis subcompressis utrinque crasse et obtuse quinque-costatis costis lateralibus marginantibus, mediâ faciei internâ carinanti omnibus transverse tenuissime rugulosis ♀. Ic. Fl. Dan. tab. 1109. — Rchb. tab. 62.

Hab. in pratis humidis et ad fossas, Græcia in Elide (Sibth.), Caucasus sept. ad rivum Malka (M.B., C.A. Mey.), Georgia Caucasicâ (Hoh.), Kachetia in paludibus inter Sakately et Lagodechi (Rupr!), Armenia (D.C.).

Ar. Geogr. Europa media a Scandinaviâ meridionali, Hispaniâ et Italiaâ mediis ad Rossiam medium.